

第〇四六册

曆象彙編

庶徵典

山異部

石異部

水災部

水異部

冰異部

(卷)

二三

二三

二四—二三

二三—二四

二五

古今圖書集成

中華書局影印

古今圖書集成

中華書局影印



欽定古今圖書集成曆象彙編庶徵典

第一百二十二卷目錄

山異部彙考一

周禮 春官大司樂

春秋緯 感精符

山海經 中山經

婁元禮田家五行 論山

觀象玩占 山崩 山難變

管窺輯要 山

山異部彙考二

夏后氏 帝癸一則

商 帝辛一則

周 襄王一則 定王一則

漢 高后一則 文帝一則 成帝建始一則

後漢 和帝永元一則 延光一則 安帝

二則 永初一則 永興一則 獻帝初平一則 建

魏 陳王威烈一則

吳 大帝赤烏一則

晉 武帝泰始二則 太康二則 惠帝元康一

則 帝咸和一則 穆帝永和二則 哀帝隆和一

南齊 高帝建元一則 武帝永明一則

北魏 太皇太后正始一則 世祖太延一則 世宗

隋 文帝開皇一則 仁壽一則 煬帝大業一

唐 高祖武德一則 太宗貞觀一則 中宗嗣

聖二則 元宗開元一則 天寶一則 代宗

後唐 明宗長興一則

後周 太祖廣順一則 世宗顯德一則

遼 聖宗太平一則

宋 太宗雍熙一則 淳化一則 真宗咸平四

則 景德一則 天禧一則 神宗熙寧二

則 哲宗元祐一則 光宗紹熙二則 寧宗

慶元一則 嘉泰一則 嘉定二則 理宗寶

慶一則 度宗咸淳一則

元 世祖至元三則 成宗大德二則 武宗至

元一則 仁宗延祐五則 英宗至治二則

泰定帝泰定三則 文宗至順二則 順帝

元統一則 至正三則 至正三則 順帝

明 成祖永樂一則 英宗正統二則 天順二

則 憲宗成化六則 孝宗弘治六則 武宗

正德二則 世宗嘉靖二十則 穆宗隆慶

五則 神宗萬曆十四則 熹宗天啓三則

廢帝崇禎六則

山異部總論

詩經 小雅十月之交

春秋四傳 僖公十四年 成公五年

搜神記 山

山異部藝文

陽山

為涇州李使君賀慶山表

山異部紀事

山異部雜錄

後漢黃憲

唐崔融

庶徵典第一百二十二卷

山異部彙考一

周禮

春官

大司樂凡四鎮五嶽崩令去樂

注 四鎮山之重大者謂揚州之會稽青州之沂山

幽州之醫無閭冀州之霍山五嶽岱在兗州衡在

荊州嵩在豫州華在雍州恆在并州

春秋緯

感精符

山冬大霧十日已上不除者山崩之候

山海經

中山經

熊山有穴焉恆出神人夏啓而冬閉是穴也冬啓乃

必有兵

注 今鄴西北有鼓山下有石鼓象懸著山旁鳴則

有軍事與此穴殊象而同應

婁元禮田家五行

論山

久雨在半山之上山水暴發一月則主山崩却非尋

常之水

觀象玩占

山崩

山崩五行傳曰陰乘陽弱勝強厥妖山崩山崩者離

散之象災異書曰山者宰相之位山崩者宰相失職

也劉向曰山崩者臣下背叛散落不事其上之象春

君之位崩者毀也君失其道為臣所陵尚書中候曰山崩水潰納小人也地鏡曰山崩人君位消不出三年有兵集之京房曰山崩人辟亡又曰其國山崩君失政女戚擅權五年敗又曰邑山崩邑有戰主亡有大水

山春崩其國有伐城夏崩天下大水國主亡秋崩有大兵冬崩大饑京房易妖占曰春山崩國有亡邑有拔城夏崩亡君大水秋崩人主有殃冬崩兵起人饑一曰山崩臣去又曰山以二月崩其邑有兵戰八月崩兵起十一月崩國主降民流亡

山雜變

山無故自陷其地有兵大水

山徙傳曰臣不用道祿去公室賞罰自下女主專政是謂皇之不極厥妖山徙不出五年有走王地鏡曰山徙直臣亡佞臣用政出私門不出五年天下有兵社稷亡

山鳴其地大亂賊起

山有聲如哭有大兵死喪

山作聲如雷不出一年賊起

山有光臣子不良

山忽生於石上其邑有賊人暴貴

山上忽生大石其邑喪至

山出火熾人是謂鬼焚亡國之徵

山石自動其地有暴兵

山徙動其地有兵亂起

山見像沉於邑有兵狀如人頭赤色

無故壅土如山是謂陽反陰也人君好淫為女子所

謀不出一年有易君
管窺輯要

山

山春崩有征伐傷五穀夏崩有大兵火災秋崩有大兵又曰物不收冬崩大饑凡山崩臣下背叛弱勝強也

山自亡人主失政

國中山分君臣相背一曰山分裂女主有謀君臣奪山中見物類非人會見者各有形名音聲其占為大水或饑或兵邑亡

山忽自動及生樹木井象物類及大小移動或濕或血皆天下亂

山忽生大石邑有喪

山石忽化為人形及六畜飛鳥皆為國虛

山穴作雷聲不出一年有賊

山忽生光臣下不吉

山忽赤如血諸侯逆

山異部彙考二

夏后氏

帝癸七年泰山震

按史記夏本紀不載

按竹書紀年云云

商

帝辛四十二年嶢山崩

按史記殷本紀不載

按竹書紀年云云

周

襄王六年晉沙鹿崩

按春秋魯僖公十四年秋八月辛卯沙鹿崩按左傳晉卜偃曰期年將有大咎幾亡國按公羊傳沙鹿者何河上之邑也此邑也其言崩何襲邑也沙鹿崩何以書記異也外異不書此何以書為天下記異也按穀梁傳林屬於山為鹿沙山名也無崩道而崩故志之也其日重其變也

按漢書五行志釐公十四年秋八月辛卯沙鹿崩穀梁傳曰林屬於山曰鹿沙其名也劉向以為臣下背叛散落不事上之象也先是齊桓行伯道會諸侯事周室管仲既死桓德日衰天戒若曰伯道將廢諸侯散落政逮大夫陪臣執命臣下不事上矣桓公不寤天子蔽晦及桓死天下散而從楚王札子殺二大夫晉敗天子之師莫能征討從是陵遲公羊以為沙鹿河上邑也董仲舒說略同一曰河大川象齊大國桓德衰伯道將移於晉文故河為徙也左氏以為沙鹿晉地沙山名也地震而鹿崩不書震舉重者也伯陽甫所謂國必依山山川崩川竭亡之徵也不過十年數之紀也至二十四年晉懷公殺於高梁京房易傳曰小人剝廬厥妖山崩茲謂陰乘陽弱勝強定王二十一年晉梁山崩

按春秋魯成公五年夏梁山崩按左傳梁山崩晉侯以傳名伯宗伯宗辟重曰辟傳重人曰待我不如捷之速也問其所曰絳人也問絳事曰梁山崩將召伯宗謀之問將若之何曰山有朽壤而崩可若何國主山川故山崩川竭君為之不舉降服乘緦徹樂出大祝幣史辭以禮焉如此而以雖伯宗若之何伯宗請見之不可遂告而從之按公羊傳梁山者何河

全大梁山韓國也詩曰奕奕梁山韓侯受命而謂之

韓奕者下突然高大爲韓國之鎮也後爲晉所滅而大夫韓氏以爲邑焉書而不繫國者爲天記異是以不言晉也左氏載絳人之語於禮文備矣而未記其實也夫降服乘輿徹樂出次視幣史辭六禮之文也古之遭變異而外爲此文者必有恐懼修省之心主於內若成湯六事檢身高宗克正厥事宣王側身修行欲銷去之是也徒舉其文而無實以先之何足以弭災變乎夫國主山川至於崩竭當時諸侯未聞有戒心而修德也故自是而後六十年間紂君十有四亡國二十有二其應亦慚矣春秋不明著其事應而事應具存其可忽諸

按漢書五行志成公五年夏梁山崩穀梁傳曰壅河三日不流晉君帥羣臣而哭之迺流劉向以爲山陽

漢

按漢書高后本紀二年春正月乙卯地震光道武都道山崩按五行志高后二年正月武都山崩殺七百六十人地震至八月乃止

文帝元年齊楚山崩

按漢書文帝本紀元年四月齊楚地震二十九山同日崩大水潰出按五行志文帝元年四月齊楚地山二十九所同日俱大發水潰出劉向以爲近水沚土也天戒若曰勿盛齊楚之君今失制度將爲亂後十六年帝庶兄齊悼惠王之孫文王則薨無子帝分齊地立悼惠王庶子六人皆爲王賈誼量錯諫以爲違古制恐爲亂至景帝三年齊楚七國起兵百餘萬漢皆被之春秋四國同日災漢七國同日衆山潰咸被其害不畏天威之明效也

成帝建始三年山崩

按漢書成帝本紀建始二年十二月越嶲山崩
河平三年犍爲山崩

按漢書成帝本紀元延二年春正月丙寅蜀郡岷山

崩按五行志元延三年正月丙寅蜀郡岷山崩三川
江江水逆流三日遇過劉向以爲周時岐山崩三川
竭而幽王亡岐山者周所興也漢家本起於蜀漢今
所起之地山崩川竭星字又及攝提大角從參至辰
殆必凶矣其後三世亡嗣王莽篡位

後漢

和帝末元元年會稽山崩

按後漢書和帝本紀末元元年七月乙未會稽山崩
按五行志末元元年七月會稽山崩會稽南方大
名山也京房易傳曰山崩陰乘陽弱勝強也劉向以
爲山陽君也水陰民也君道崩壞百姓失所也劉歆
以爲崩猶地也是時竇太后攝政兄竇憲專權
永元十二年杪歸山崩

按後漢書和帝本紀云

月戊辰南郡秭歸山高四百丈崩墮谿殺百餘人明年冬至蠻夷反遣使募荊州吏民萬餘人擊之

殤帝延平元年恆山崩

崩 按後漢書殤帝本紀延平元年五月壬辰河東恆山

注恆縣今絳州縣也古今注曰山崩長七丈廣四

丈

按五行志延平元年五月壬辰河東恆山崩是時鄧

太后專政秋八月殤帝崩
安帝末初六年豫章山崩

按後漢書安帝本紀末初六年六月壬辰豫章員谿原山崩

延光二年丹陽山崩

按後漢書安帝本紀云云 按五行志延光二年七月丹陽山崩四十七所

延光三年巴郡山崩

按後漢書安帝本紀延光三年六月庚午巴郡閬中

山崩

延光四年順帝即位越嶲山崩
按後漢書順帝本紀延光四年三月乙酉即位冬十月丙午越嶲山崩 按五行志四年十月丙午蜀郡

越嶲山崩殺四百餘人丙午天子會日也是時閭太后攝政其十一月中黃門孫程等殺江京立順帝誅

閭后兄弟明年閭后崩

桓帝建和三年郡國五山崩

按後漢書桓帝本紀云云

和和元年廣漢梓潼山崩

按後漢書桓帝本紀云云

永興二年東海山崩

按後漢書桓帝本紀永興二年六月東海胸山崩

按五行志永興二年六月東海胸山崩冬十二月泰山琅邪盜賊羣起

末壽元年六月巴郡益州郡山崩

按後漢書桓帝本紀云云

延熹三年夏五月甲戌漢中山崩

按後漢書桓帝本紀云云 按五行志延熹三年五月戊申漢中山崩是時上龍恣中常侍單超等延熹四年岱山崩

按後漢書桓帝本紀四年六月庚子岱山及博尤來山並頽裂

靈帝光和六年五原山崩

按後漢書靈帝本紀光和六年秋五原山岸崩

獻帝初平四年華山裂

按後漢書獻帝本紀初平四年六月華山崩裂

建安七年醴陵縣山鳴

按後漢書獻帝本紀不載 按五行志建安七八年長沙醴陵縣有大山常大鳴如牛响聲積數年後豫

章賊攻沒醴陵縣殺略吏民

注千寶曰論語檀輅象曰山土崩川閉塞漂淪移山鼓哭閉衡夷庶桀合兵王作時天下尚亂棄傑

並爭曹操事二袁於河北孫吳創基於江外劉表

阻亂衆於襄陽南招零桂北割漢川又以黃祖爲

爪牙而祖與孫氏爲深讎兵革歲交十年曹操破

袁譚於南皮十一年走袁尚於遼東十三年吳禽

黃祖是歲劉表死曹操略荊州逐劉備於當陽十

四年吳破曹操於赤壁是三雄者卒其三分天下

成帝王之業是所謂庶桀合兵王作者也十六年

劉備入蜀與吳再爭荊州於時戰爭四分五裂之

地荊州爲劇故山鳴之異作其域也

魏

陳留王咸熙二年太行山崩

按魏志三少帝本紀不載 按晉書五行志咸熙二

年二月太行山崩此魏亡之徵也其冬晉有天下

吳

大帝赤烏十三年丹陽等郡山崩

按吳志孫權傳赤烏十三年八月丹陽句容及故鄣

寧國諸山崩

按晉書五行志赤烏十三年八月丹陽句容及故鄣

寧國諸山崩鴻水溢按劉向說山陽君也木陰百姓

也天戒若曰君道崩壞百姓將失其所與春秋梁山

崩漢齊楚衆山發水同事也夫三代命祀祭不越望

吉凶禍福不是過也吳雖稱帝其實列國災發丹陽

其天意矣劉歆以爲國主山川山崩川竭亡之徵也

後二年而權薨又二十六年而吳亡

晉

武帝泰始三年三月太山石崩

按晉書武帝本紀云云

泰始四年秋七月泰山石崩

按晉書武帝本紀云云 按五行志泰始三年三月

戊午太山石崩四年七月泰山崩墜三里京房易傳

曰自上下者爲崩厥應泰山之石顛而下聖王受命

人君凶及帝晏駕而祿去王室惠皇懷弱懷懸二帝

俱辱兩庭淪胥於北元帝中興於南此其應也

太康六年冬十月南安山崩

按晉書武帝本紀云云 按五行志太康六年十月

南安新興山崩湧木出

太康七年朱提山崩

按晉書武帝本紀太康七年秋七月朱提山崩 按五行志七年二月朱提之大瀘山崩震壞郡舍陰平

之仇池崖隕

惠帝元康四年蜀郡壽春上庸諸郡山崩

按晉書惠帝本紀元康四年夏五月蜀郡山移淮南

壽春洪水出山崩地陷壞城府及百姓廬舍六月上

庸郡山崩殺二十餘人 按五行志元康四年蜀郡

山崩殺人五月壬子壽春山崩洪水出城壞地陷方

三十丈殺人六月壽春大雷山崩地坼人家陷死上

庸郡亦如之八月居庸地裂廣三十六丈長八十四

丈水出大饑上庸四處山崩地壓廣三十丈長百三

十丈水出殺人皆賈后亂朝之應也

懷帝永嘉三年九月宜都夷道山崩

按晉書懷帝本紀云云

永嘉四年四月湘東鄴黑石山崩

按晉書懷帝本紀不載 按五行志云云

元帝太興元年山崩

按晉書元帝本紀不載 按五行志太興元年二月

廬陵豫章武昌西陽地震山崩

太興二年祁山崩

按晉書元帝本紀不載 按五行志二年五月祁山

地震山崩殺人

太興三年南平山崩

按晉書元帝本紀不載 按五行志二年南平郡山

崩出雄黃數千斤時王敦陵傲帝優容之示含養禍

萌也

太興四年八月常山崩

按晉書元帝本紀云云 按五行志四年八月常山

崩水出萍沱盈溢大木傾拔

成帝咸和四年十月廬山崩

按晉書成帝本紀云云 按五行志咸和四年十月

柴桑廬山西北崖崩十二月劉引爲郭默所殺

穆帝永和七年秋九月峻平崇陽二陵崩

按晉書穆帝本紀不載 按五行志云云

永和十二年峻平陵延道崩

按晉書穆帝本紀不載 按五行志永和十二年十

一月遣散騎常侍車灌修峻平陵開延道崩壓殺數

十人

哀帝隆和元年浩豐山崩

按晉書哀帝本紀云云 按五行志隆和元年四月

丁丑浩豐山崩張天錫亡徵也

孝武帝寧康二年秋七月涼州山崩

按晉書孝武帝本紀云云

安帝義熙十一年五月己酉霍山崩

按晉書安帝本紀云云 按五行志義熙十一年五

月霍山崩出銅鐘六枚

南齊

高帝建元二年夏廬山崩

按南齊書高帝本紀不載 按五行志建元二年廬

陵石陽縣長溪水衝激山麓崩長六七丈下得柱千

餘口皆十圍長者一丈短者八九尺頭題有古文字

不可識江淹以問王儉儉云江東不閑隸書此秦漢

時柱也後年宮車晏駕世變之象也

武帝永明二年秋始興曲江縣山崩

按南齊書武帝本紀不載 按五行志永明二年秋

始興曲江縣山崩壅底溪水成陂京房占山崩人主

惡之

北魏

太祖天賜六年春三月恆山崩

按魏書太祖本紀不載 按靈徵志云云

世祖太延四年華山崩

按魏書世祖本紀不載 按靈徵志太延四年四月

己酉華山崩占曰山岳配天猶諸侯之係天子山岳

崩諸侯有亡者沮渠牧犍將滅之應

世宗景明元年太陰山崩

按魏書世宗本紀不載 按靈徵志景明元年五月

乙丑齊州山在縣太陰山崩飛泉湧出殺一百五十

九人

景明四年十一月丁巳恆山崩

按魏書世宗本紀不載 按靈徵志云云

正始元年十一月癸亥恆山崩

按魏書世宗本紀不載 按靈徵志云云

延昌三年肆州鴈門郡山鳴泰山崩

按北史魏世宗本紀延昌三年春二月乙未詔曰肆

州秀容郡敷城鴈門郡原平縣並自去年四月以

來山鳴地震於今不已告讖彰彰朕甚懼焉可恤瘼

寬刑以答災譴

按魏書靈徵志延昌三年八月辛巳兗州上言泰山

崩頽石湧泉十七處泰山帝王告成封禪之所也而

山崩泉湧陽黜而陰盛俗又齊地也天意若曰當有

繼齊而興受禪讓者齊代魏之徵也

隋

文帝開皇十三年連雲山鳴

按隋書文帝本紀不載 按北史慕容紹宗傳紹宗子三藏隋開皇元年授吳州刺史後遷廊州十三年州界連雲山響稱萬歲者三詔頒郡國仍遣使醮山所其日景雲浮於上雉免馴增側使還以聞上大悅改封河內縣男

仁壽三年梁州就谷山崩

按隋書文帝本紀不載 按五行志三年梁州就谷山崩洪範五行傳曰崩散落背叛不事上之類也梁州爲漢地明年漢王諒舉兵反

煬帝大業七年底柱山崩

按隋書煬帝本紀大業七年冬十月乙卯底柱山崩

按五行志大業七年砥柱山崩壅河逆流數十里劉向洪範五行傳曰山者君之象水者陰之表人之類也天戒若曰君人擁威重將崩壞百姓不得其所時帝與遼東之師百姓不堪其役四海怨叛帝不能倍卒以滅亡

唐

高祖武德七年雋州山崩

按唐書高祖本紀武德七年七月甲午雋州地震山崩退江水

太宗貞觀八年山崩

按唐書太宗本紀貞觀八年七月隴右山崩

按舊唐書五行志貞觀八年七月七日隴右山崩太宗問秘書監虞世南曰是何災異對曰春秋時梁山崩晉侯召宗伯而問焉對曰國主山川故山崩川竭君爲之不舉降服出次祝幣以禮焉晉侯從之卒亦無害漢文帝元年齊楚地二十九山同日崩文帝出

令郡國無來獻施惠於天下遠近歡洽亦不爲災今唯修德可以消災

中宗嗣聖三年

按唐書武后本紀垂拱二年十月己巳有山出於新豐縣改新豐爲慶山 按舊唐書五行志則天時新豐縣東南露臺鄉因大風雨雹震有山踊出高二百尺有池周三頃池中有龍鳳之形禾麥之異則天以爲休徵名爲慶山荊州人俞文俊詣闕上書曰臣聞天氣不和而寒暑隔人氣不和而贅疣生地氣不和而堆阜出今陛下以女主居陽位反易剛柔故地氣隔塞山變爲災陛下以爲慶山臣以爲非慶也

嗣聖六年

按唐書武后本紀不載 按舊唐書五行志未昌中華州敷水店西南坡白晝飛四五里直抵赤水其坡上樹木禾黍宛然無損

按文獻通考未昌中華州赤水南岸大山晝日忽風皆有聲隱隱如雷頃之移東數百步壅赤水壓張村民三十餘家山高二百餘丈水深三十丈坡上草木宛然金隄曰山徙者人君不用道祿去公室賞罰不由君佞人執政政在女主不出五年有走王

元宗開元十七年山崩

按唐書元宗本紀開元十七年四月乙亥大風震藍田山崩

按文獻通考藍田畿內山也國主山川山摧川竭凶之證也占曰人君德消政易則然

天寶十三載女媧墓移

年六月號州閭鄉縣界黃河內女媧墓天寶十三載因天雨晦冥失其所在至今年六月一日夜河濱人家聞風雨聲曉見其墓踊出上有雙柳樹下有二巨石二柳各長丈餘郡守圖畫以聞今號風陵堆

按文獻通考占曰塚墓自移天下破

代宗大曆九年山徙

按唐書代宗本紀不載 按文獻通考大曆九年十一月戊戌同州夏陽有山徙於河上聲如雷

大曆十三年山崩

按唐書代宗本紀大曆十三年是歲郴州黃岑山崩

德宗建中二年霍山裂

按唐書德宗本紀不載 按文獻通考云云

建中 年魏縣土長

按唐書德宗本紀不載 按舊唐書五行志建中初魏州魏縣西四十里忽然土長四五尺數畝里人駭異之明年魏博田悅反德宗命河東馬燧潞州李抱真討之營於陘山幽州朱滔恆州王武俊帥兵救田悅王師退保魏縣西朱滔武俊田悅引軍與王師對壘三年十一月朱滔僭稱冀王武俊稱趙王田悅稱魏王悅時壘正當土長之所及僭署告天乃因其長土爲壇以祭魏州功曹韋稔爲益土頌以媚悅馬燧聞之笑曰田悅異常賊也

憲宗元和八年山崩

按唐書憲宗本紀元和八年五月丁丑大隗山崩

元和十五年土山崩

按唐書憲宗本紀不載 按文獻通考十五年丁未苑中土山摧壓死二十人

傳宗光啓三年維州山崩

按唐書僖宗本紀云云 按文獻通考光啓三年四月維州山崩累日不止塵坭互天壅江水逆流占曰國破

後唐

明宗長興三年赤甲山崩

按五代史唐明宗本紀不載 按文獻通考長興三年七月夔州奏赤甲山崩

後周

太祖廣順二年蜀青城山崩

按五代史周太祖本紀不載 按十國春秋後蜀後主本紀廣政十五年七月青城縣鬼城山崩

世宗顯德五年山關

按五代史周世宗本紀不載 按冊府元龜顯德五年十二月丁丑朔朗州上言醴陵縣玉仙觀山門中舊有田二萬餘頃久爲山石閉塞昨於七月十七日夜有暴雨霹靂其路復通詔褒之

遼

聖宗太平二年鬼白山裂

按遼史聖宗本紀太平二年三月鬼白山裂數百步泉湧成流

宋

太宗雍熙三年常峽山圯

按宋史太宗本紀不載 按五行志雍熙三年階州福津縣常峽山圯壅白江水逆流高十丈許壤民田數百里

淳化二年登遼山崩

按宋史太宗本紀淳化二年八月己丑雅州言登遼山崩 按五行志淳化二年五月名山縣大風雨登遼山圯壅江水逆流入民田害稼

眞宗咸平元年寧化軍山圯

按宋史眞宗本紀不載 按五行志咸平元年七月庚午寧化軍汾水漲壞北水門山石摧圯軍士有壓死者

咸平二年靈寶山岬圯

按宋史眞宗本紀不載 按五行志二年七月庚寅靈寶縣暴雨崖圯壓居民死者二十二戶

咸平三年三陽峯崖摧

按宋史眞宗本紀不載 按五行志三年三月辛丑夜大澤縣三陽峯大雨崖摧壓死者六十二人

咸平四年成紀縣山摧

按宋史眞宗本紀不載 按五行志四年正月成紀縣山摧壓死者六十餘人

景德四年成紀縣山崖圯

按宋史眞宗本紀不載 按五行志景德四年七月成紀縣崖圯壓死居民

天禧五年襄州道土湧起

按宋史眞宗本紀不載 按文獻通考天禧五年五月襄州鳳林鎮道側地湧起高三尺許長三丈闊八尺知州夏竦以聞

神宗熙寧元年山裂

按宋史神宗本紀不載 按文獻通考熙寧元年潭州益陽縣雷震山裂出米

熙寧五年少華山崩

按宋史神宗本紀五年九月丙寅少華山崩詔壓死者賜錢貧者官爲葬祭 按五行志五年九月丙寅

華州少華山前阜頭峰越八盤嶺及谷摧陷於石子坡東西五里南北十里潰散墳塋湧起堆阜各高數丈長若堤岸至陷居民六七社凡數百戶林木廬舍亦無存者並山之民言數年以來峰上常有雲每遇風雨即隱隱有聲是夜初昏略無風雨山上忽發起有聲漸大地遂震動不及食頃而山摧

按華山崩通

事年

按聞見後錄熙寧中少華山崩壓七村之人不可勝計先是穴居虎豹之屬盡避去人獨不知遂罹禍山以夜崩聲震百里外州距山才二十里初不聞其異如此

哲宗元祐元年十二月戊戌華州鄭縣小敷谷山崩

按宋史哲宗本紀云云

光宗紹熙四年祝融峰劍門關山摧

按宋史光宗本紀不載 按五行志紹熙四年秋南岳祝融峰山自摧劍門關山摧

紹熙五年南高峰摧

按宋史光宗本紀不載 按五行志五年十二月臨安府南高峰山自摧

寧宗慶元二年黃巖山徙臨海清潭山移

按宋史寧宗本紀不載 按五行志慶元二年六月辛未台州黃巖縣大雨水有山自徙五十餘里其聲如雷草木家墓皆不動而故址潰爲淵潭時臨海縣清潭山亦自移

按文獻通考唐志載金縢曰山徙者君不用道祿去

第○四六冊 之○四葉

曆象彙編庶徵典第一百二十二卷山異部

曆象彙編庶徵典第一百二十二卷山異部

曆象彙編庶徵典第一百二十二卷山異部

曆象彙編庶徵典第一百二十二卷山異部

公室賞罰不由君侯人執政也此韓侂冑擅朝之應
嘉泰二年建安縣山摧

按宋史寧宗本紀不載 按五行志嘉泰二年七月

丁未閩建安縣山摧民廬之壓者六十餘家

嘉定六年淳安縣山摧

按宋史寧宗本紀不載 按五行志嘉定六年嚴州

淳安縣長樂鄉山摧水湧

嘉定九年馬湖黎州山崩

按宋史寧宗本紀嘉定九年二月甲子馬湖夷界山

崩八十里江水不通六月乙未黎州山崩

理宗寶慶二年遂安休寧山裂

按宋史理宗本紀寶慶二年秋七月戊辰遂安休寧

兩縣界山裂洪水壞公宇民居田疇

度宗咸淳十年恭帝即位天目山崩

按宋史瀛國公本紀咸淳十年七月即位八月癸丑

天目山崩水涌流

元

世祖至元六年奉化州桃源山崩

按元史世祖本紀不載 按續文獻通考至元六年

九月奉化州山崩水湧出平地溺死人甚衆松陽龍

泉二縣水漲入城中深丈餘溺死五百餘人遂昌縣

尤甚平地三丈餘桃源鄉山崩壓溺民居五十三家

死者三百六十餘人

至元九年龍興靖安山裂

按元史世祖本紀不載 按五行志至元九年龍興

靖安縣山石迸裂湧水人多死者

至元二十七年沂州靈川縣山崖崩

按元史世祖本紀不載 按五行志二十七年六月

丁卯沂州東蒼山有巨石大如屋崩裂墜地聲震如

雷七月丙戌廣西靈川縣臨江石崖崩

成宗大德元年衡州鄱縣山崩

按元史成宗本紀云云

大德十一年營道縣山裂

按元史成宗本紀不載 按五行志十一年三月道

州營道縣暴雨山裂百三十餘處

武宗至大三年荊門州山崩

按元史武宗本紀至大三年六月襄陽峽州路荊門

州大水山崩壞官廨民居二萬一千八百二十九間

死者三千四百六十六人

仁宗延祐二年成紀縣山移

按元史仁宗本紀延祐二年五月乙丑秦州成紀縣

山移是夜疾風電雹北山南移至夕河川次日再移

平地突出土阜高者二三丈陷沒民居救遺官數驗

賑恤 按馬祖常傳秦州山移祖常言山不動之物

今而動焉由在野有當用不用之賢在官有當言不

言之佞故致然爾疏聞大臣皆家居待罪

延祐四年成紀縣山崩

按元史仁宗本紀四年七月己丑成紀縣山崩土石

潰徙壞田稼廬舍壓死居民

延祐五年泰安隴西寧遠山崩

按元史仁宗本紀五年二月泰安縣山崩五月己卯

鞏昌隴西大雨南山崩壓死居民給糧賑之七月

戊子鞏昌路寧遠山崩

延祐六年八月伏羌縣山崩

按元史仁宗本紀云云

延祐七年英宗即位成紀縣山崩

按元史英宗本紀七年三月庚寅即位是歲秦州成

紀縣暴雨山崩朽壤墳起覆沒畜產

英宗至治元年成紀縣山崩

按元史英宗本紀至治元年八月壬戌秦州成紀縣

山崩

至治二年建昌山崩

按元史英宗本紀二年十二月甲子朔南康建昌州

大水山崩死者四十七人

泰定帝泰定元年定州成紀縣山崩

按元史泰定帝本紀泰定元年七月戊申定州山崩

八月癸未秦州成紀縣大雨山崩水溢壅土至來谷

河成丘阜

泰定二年奉安山移

按元史泰定帝本紀二年六月丁未秦州奉安山移

泰定四年天全道通渭縣山崩

按元史泰定帝本紀四年八月鞏昌府通渭縣山崩

按五行志四年八月天全道山崩飛石擊人中者

輒死

文宗至順元年通渭山崩

按元史文宗本紀至順元年七月己未通渭山崩壓

民舍

至順四年順帝即位山崩

按元史順帝本紀四年六月己巳即位八月鞏昌隴

州山崩九月庚申秦州山崩十月丙寅鳳州山崩十

一月丙申鞏昌成紀縣地裂山崩辛亥秦州地裂山

崩

順帝元統二年雞鳴山崩

按元史順帝本紀二年八月辛未雞鳴山崩陷爲池方百里人死者衆

至元二年秦州山崩宿松山裂

按元史順帝本紀至元二年春正月乙丑宿松縣山裂五月壬申秦州山崩

至元四年信州山裂鞏昌山崩

按元史順帝本紀四年六月信州路靈山裂 按五行志四年七月丙辰鞏昌府山崩

至元六年成紀山崩

按元史順帝本紀六年六月己亥秦州成紀縣山崩地裂

至正二年濟南惠州山崩

按元史順帝本紀至正二年六月壬子濟南山崩水湧七月庚午惠州路羅浮山崩 按五行志至正二年七月惠州雨水羅浮山崩凡二十七處壞民居塞田澗

田澗

至正三年秦州鞏昌山崩

按元史順帝本紀至正三年二月秦州成紀縣鞏昌府寧遠伏羌縣山崩水涌溺死人無算 按五行志三年六月己巳秦州奉安縣南坡崩裂壓死人畜七月戊辰鞏昌山崩人畜死者衆

至正六年羅浮山崩

按元史順帝本紀不載 按五行志六年六月廣州增城縣羅浮山崩水湧溢溺死百餘人

至正八年廣西山崩

按元史順帝本紀八年五月庚子廣西山崩水涌

至正九年七月靖海寧州山裂永春縣象山崩

按元史順帝本紀不載 按五行志九年七月庚寅泉州大風雨未春縣南象山崩壓死者甚衆

按續文獻通考九年靖海寧州山巖俱裂湧水人多死者

至正十年寧州瑞州山崩泉州山鳴

按元史順帝本紀不載 按五行志十年五月甲子龍興寧州大雨山崩數十處丙寅瑞州上高縣象山崩十一月乙酉泉州安溪縣侯山鳴

至正十二年霍山崩

按元史順帝本紀不載 按五行志十二年十月丙午霍州趙城縣霍山崩湧石數里前三日山鳴如雷禽獸驚散

至正十三年七月汾州白彪山圯

按元史順帝本紀不載 按五行志云云

至正十五年四月寧國敬亭縣姑華陽諸山崩

按元史順帝本紀不載 按五行志云云

至正十七年鵝鼻山崩

按元史順帝本紀十七年十月靜江路山崩地陷大水十二月丁酉慶元路象山縣鵝鼻山崩

至正二十六年吳山臥龍山沂水山三秀山鞏縣山蒲城洛岸和順崖俱崩

按元史順帝本紀二十六年六月壬子紹興路山陰縣臥龍山裂 按五行志二十六年三月贛榆縣吳山崩丙辰泉州同安縣大雷雨三秀山崩是月河南府鞏縣大霖雨地震山崩十一月辛丑華州蒲城縣

洛岸崩壅水絕流三日十二月庚午華州之蒲城縣洛水和順崖崩其崖戴石有岩穴可居是日壓死辟亂者七十餘人

按續文獻通考二十六年六月沂水山崩

至正二十七年沂州山大藏山崩

按元史順帝本紀二十七年六月丁卯沂州山崩 按五行志二十七年六月沂州山石崩裂有聲如雷七月丙戌靜江靈川縣大藏山石崖崩

至正二十八年靜安忻州靈川山石崩裂 按元史順帝本紀不載 按續文獻通考二十八年龍興靜安縣山石迸裂湧水人多死者六月忻州鞏昌山有巨石大如屋崩裂壓地聲震如雷七月廣西靈川縣臨江石礮崩

明

成祖末樂十三年大岩山呼

按明昭代典則末樂十三年貴州布政使蔣廷讚言去年北征班師詔至思南府婺川縣大岩山有聲連呼萬歲者三咸謂皇上恩威遠加山川效靈之徵呂震請率諸臣上表賀上曰人臣事君當以道阿諛取容非賢人君子所爲呼譟山谷空虛之聲相應理或有之布政司不察以爲祥爾爲國大臣不能辯其非又欲進表媚朕非君子事君之道也

英宗正統八年紹興山移陝西山崩

按續文獻通考正統八年冬十一月浙江紹興山移於平田是年陝西二處山崩壓人家數千戶山叫三日移數里時畏王振不敢奏

正統十四年貢山關鐘山裂

按續文獻通考正統十四年貢山關鐘山裂

正統十四年貢山關鐘山裂

正統十四年貢山關鐘山裂

正統十四年貢山關鐘山裂

按江南通志正統十四年太湖中大貢小貢二山關開合數次共沈於水起復鬪踰時乃止

按江西通志正統十四年湖口縣鍾山裂

天順二年瑞州山崩

按江西通志天順二年夏四月瑞州山多崩

天順五年南山崩

按陝西通志天順五年七月南山崩大夏河水數日不流

憲宗成化二年小孤山崩

按江西通志成化二年小孤山北岸崩約三里餘壞民居數百

成化六年霍山崩

按山西通志成化六年霍山土谷崩

成化八年山吼

按續文獻通考成化八年七月陝西隴州大雹州北有山吼三日裂成溝長半里

成化十六年白石山裂移江中長樂平地山起鍾山崩

按續文獻通考成化庚子五月雲南麗江軍民府巨

津州白石山約長四百餘丈去金沙江二里一日山忽裂分其半走金沙江中山上木石依舊江水壅塞

淹田漂廬府州具報察院以聞時滇中邊報日急識者以為山徙之兆六月長樂縣平地起小阜人畜踐之輒陷明年導湧起一高山占者云武后時曾有此

異乃女主為男之兆時裕陵宮人萬氏冊為貴妃每侍宸遊戎服男飾以從此其應與

按明昭代典則成化十六年夏四月雲南麗江白石

雲山裂半移金沙江中水溢沒田苗六月福建長樂平地山起

按江西通志成化十六年湖口縣上鍾山崩

成化十八年半占山崩

按福建通志成化十八年長樂半占山崩壓居民廬舍有死者

成化二十一年泰山震

按山東通志成化二十一年二月三月泰山屢震遣官祭之

孝宗弘治元年虞山鳴

按江南通志云云

弘治三年施州山崩

按湖廣通志弘治三年春二月施州山崩怪石出江塞石信山崩有大石二類人形卓立路旁距五里清

江南岸山崩大石塞江水為不流遂壅為灘

弘治六年龍泉山崩

按浙江通志云云

弘治十年榆次山崩安溪山崩

按山西通志弘治十年榆次縣孫家山移南移二十里許

按福建通志弘治十年安溪縣三公峰崩如雷

弘治十四年午山崩

按福建通志弘治十四年安溪縣午山崩

約數畝

武宗正德元年太原山移袁州山崩

按山西通志正德元年太原山移太原閑居寺口山移數十步土人見有物如羊一目一角雲霧數日方散

按江西通志正德元年秋七月袁州山崩

正德十一年馬欄寺山午山崩

按湖廣通志正德十一年夏四月馬欄寺山崩

按福建通志正德十一年八月安溪午山大崩

世宗嘉靖元年全州山崩

按廣西通志嘉靖元年夏五月全州大水萬鄉四都山崩水涌陷田數百頃

嘉靖三年太谷山崩

按山西通志嘉靖三年秋八月太谷山崩民居翻沒

嘉靖六年高明山崩雲南山崩

按廣東通志嘉靖六年夏四月高明山崩凡二百丈壞民田四十頃

按雲南通志嘉靖六年雲南縣久霖山崩

嘉靖八年陽朔山崩

按廣西通志嘉靖八年陽朔縣邑山崩白面山崩壓死民人張鳳銀妻女三口屋宇牛羊俱碎

嘉靖九年大常山鳴漳浦山有變

按福建通志嘉靖九年四月長樂大常山鳴漳浦四都有海嶼三峰並列其日忽沒於海不見頃之三山並為一峰屹立騰空有樓臺巍煥之狀變態不常浮沈不一如是者凡三日識者以為蜃氣見云

嘉靖十四年滁州山鳴

按江南通志嘉靖十四年滁州州西諸山夜鳴如雷

嘉靖十六年松陽山裂

按浙江通志云云

嘉靖二十一年羅源清溪山崩

按福建通志嘉靖二十一年羅源山崩沙壓田

按四川總志嘉靖二十一年武隆清溪左山崩

嘉靖二十三年雞山崩移

按陝西通志嘉靖二十三年秋八月雞山崩移塞雞

川水不流年餘

嘉靖二十五年恭門山裂

按陝西通志嘉靖二十五年夏清水縣恭門山裂深

二百丈

嘉靖二十六年澄城山裂

按明昭代典則嘉靖二十六年冬十一月澄城山裂

東南移四五里

按續文獻通考嘉靖二十六年十二月十四日陝西

澄城縣麻陂山界頭嶺晝夜大吼如雷至二十七日

夜山忽中斷百丈移走東西三里南北五里

嘉靖二十七年全州山裂

按廣西通志嘉靖二十七年夏六月全州萬鄉四都

山裂水三道汎衝民屋土田成河

嘉靖二十九年澄城山崩

按陝西通志嘉靖二十九年十月澄城山崩東西分

馳三四里遺址平陷

嘉靖三十一年山產珠山鳴

按福建通志嘉靖三十一年二月烏石九仙二山土

中產珠郡人就取之著手輒碎

按山西通志嘉靖三十一年六月中條麓介谷夜半

山鳴如雷

嘉靖二十六年樂清蓋竹山崩

按浙江通志云云

嘉靖三十九年羅浮山崩

按廣東通志嘉靖三十九年夏四月羅浮山崩凡三

十餘丈

嘉靖四十年南安山鳴

按雲南通志嘉靖四十年南安安電山鳴聲聞數里

明年有嘯聚焚掠之變

嘉靖四十一年紫帽山鳴

按福建通志嘉靖四十一年八月初旬紫帽山鳴三

夜

嘉靖四十三年大帽山鳴龍隱山崩

按福建通志嘉靖四十三年六月南靖縣北大帽山

鳴三夜及移縣於此山之麓人以爲遷建之兆

按廣西通志嘉靖四十三年龍隱山崩十二月古田

賊首韋銀豹越城

嘉靖四十四年武康山移

按浙江通志嘉靖四十四年武康山移數百步

穆宗隆慶元年岐山崩

按福建通志隆慶元年末春四五都岐山崩

隆慶三年延安山崩

按陝西通志隆慶三年延安黃土汛二山崩裂成湫

隆慶四年湖州山崩

按明昭代典則隆慶四年八月浙江湖州府山崩成

湖

隆慶五年黔陽獨秀山崩

按湖廣通志隆慶五年黔陽山崩水涌出漂沒民居

無算

按廣西通志隆慶五年獨秀山崩石約一丈餘布政

司地陷

隆慶六年堯山崩

按廣西通志云云

神宗萬曆六年黃巖小樊山崩

按浙江通志云云

萬曆十一年武鄉山崩

按山西通志萬曆十一年武鄉山崩李莊北石山夜

崩數十丈

萬曆十四年三黃嶺岳山麓崩

按江西通志萬曆十四年三黃嶺逆裂

按廣西通志萬曆十四年三月懷集古城大水岳山

麓崩魚鼈盡絕人涉水多生疽

萬曆二十五年黃陂坡忽平

按湖廣通志萬曆二十五年七月荆門災黃陂坡山

高數尋一夕平地

萬曆二十七年狄道山崩

按續文獻通考萬曆二十七年九月狄道山崩成坑

更於平地湧出大小山五座

萬曆二十八年臨洮楚雄山崩

按陝西通志萬曆二十八年臨洮鸚哥山崩

按雲南通志萬曆二十八年楚雄西山崩

萬曆二十九年羅漢山崩

按雲南通志萬曆二十九年冬十一月昆明羅漢山

萬曆三十年筆架山突出一山

按福建通志萬曆三十年閏二月二十日大金筆架山突出一山自己至未形體變幻不一觀者圖之

萬曆三十五年武定山鳴

按雲南通志萬曆三十五年二月武定獅子山與鷓鴣山鳴南北互應如松濤

萬曆四十一年紫帽山鳴

按福建通志萬曆四十一年立春日行禮於城樓六月倭入寇參將戚繼光來援斬獲千級八月初旬紫帽山鳴三夜

萬曆四十二年平陽山崩

按浙江通志萬曆四十二年平陽仙壇山崩

萬曆四十三年恭城縣山崩

按廣西通志萬曆四十三年七月恭城縣勢江山崩出蛟平樂河水暴漲魚死塞江水不可食民掘泉取水

萬曆四十四年延安山崩

按陝西通志萬曆四十四年六月延安翠屏山崩

萬曆四十六年雲龍山崇山鳴如雷

按雲南通志云云

嘉宗天啓元年武定獅子山鳴

按雲南通志云云

天啓三年華嶺昆明山崩雲龍山鳴

按江西通志天啓三年五月瑞昌華嶺山崩塞水口

按雲南通志天啓三年三月雲龍三崇山鳴如轟雷

十一月昆明羅漢山崩三十餘丈

天啓四年霍山崩

按江南通志云云

愍帝崇禎二年交城平地生山

按山西通志崇禎二年交城平地生山西山大足底村突起橫山十餘丈

崇禎三年夏五月羅浮山崩

按廣東通志云云

崇禎七年肅縣山鳴

按江南通志云云

崇禎十年羊祜嶺自移

按湖廣通志崇禎十年五月京山羊祜嶺自行五十餘步

崇禎十一年唐縣山崩徐州西山鳴

按畿輔通志崇禎十一年唐縣葛洪山崩

按江南通志崇禎十一年徐州西山鳴者三聲隱隱如鞀鼓又如虛甕迎風自子至辰

崇禎十六年東山石崩獅子山鳴

按江西通志崇禎十六年五月餘干東山石崩壓壞民居多家

按雲南通志崇禎十六年六月武定府獅子山鳴

山異部總論

詩經

小雅十月之交

百川沸騰山冢峯崩

傳山頂日冢箋山頂崔嵬者崩君道壞也

高岸爲谷深谷爲陵

傳言易位也箋君子居下小人處上之謂也

春秋四傳

僖公十四年

春秋秋八月辛卯沙鹿崩

公羊傳沙鹿者何河上之邑也此邑也其言崩何

注據梁山言崩

襲邑也

注襲者嘿陷入於地中言崩者以在河上也河崩有高下如山有地矣故得言崩也

沙鹿崩何以書記異也外異不書此何以書爲天下記異也

注土地者民之主霸者之象也河者陰之精爲下所襲者此象天下異齊桓將卒宋襄承其業爲楚所敗之應而不繫國者起下異

穀梁傳林屬於山爲沙鹿山名也無崩道而崩故志之也其日重其變也

胡傳卜偃曰期年必有大咎國幾亡詩稱百川沸騰山冢峯崩言西周之將亡也書沙鹿崩於前書獲晉侯於後雖不指其事應而事應具存此春秋畏物之反常爲異使人恐懼修省之意也其垂戒明哉

成公五年

春秋梁山崩

公羊傳梁山者何何上之山也梁山崩何以書記異也何異爾大也何大爾梁山崩壅河三日不流音故不日以起之不書壅河者舉崩大爲重外異不書此何以書爲天下記異也

注 山者陽精德澤所由生君之象河者四瀆所以通道中國與正道同記山崩壅河者此象諸侯失勢王道絕大夫擅恣爲海內害自是之後六十年之中弑君者十四亡國三十二故漢梁之盟徧刺天下之大夫

穀梁傳不日何也

注 據僖十四年秋八月辛卯沙鹿崩書日

高者有崩道也有崩道則何以書也曰梁山崩壅過河三日不流晉君召伯尊而問焉伯尊來遇輦者輦者不辟使車右下而輦之輦者曰所以輦我者其取道遠矣

注 所用輦我之間行道則可遠

伯尊下車而問焉曰子有聞乎對曰梁山崩壅過河三日不流伯尊曰君爲此召我也爲之奈何輦者曰天有山天崩之天有河天壅之雖召伯尊如之何伯尊由忠問焉

注 用忠誠之心問之

輦者曰君親素綈帥羣臣而哭之既而祠焉斯流矣注 素衣綈冠凶服也所以凶服者山川國之鎮也

山崩川塞示哀窮

伯尊至君問之曰梁山崩壅過河三日不流爲之奈何伯尊曰君親素綈帥羣臣而哭之既而祠焉斯流

矣孔子聞之曰伯尊其無績乎攘善也

胡傳梁山韓國也詩曰奕奕梁山韓侯受命而謂之韓奕者言奕然高大爲韓國之鎮也後爲晉所滅而大夫韓氏以爲邑焉書而不繫國者爲天下記異是以不言晉也左氏載絳人之語于禮文備矣而未記其實也夫絳服乘綬微樂出次視幣史辭六者禮之文也古之遭變異而外爲此文者必有恐懼修省之心主於內若成湯以六事檢身高宗克正厥事宣王側身修行欲銷去之是也未聞有戒心而修德也故自是而後六十年間弑君十有四亡國三十二其應亦愾矣春秋不明著事應而事應具存其可忽諸搜神記

山

夏桀之時厲山凶秦始皇之時三山凶周顯王三十二年宋大丘社凶漢昭帝之末陳留昌邑社凶京房易傳曰山默然自移天下兵亂社稷凶也故會稽山陰琅邪中有怪山世傳本琅邪東武海中山也時天夜風雨晦冥且而見武山在焉百姓怪之因名曰怪山時東武縣山亦一夕自亡去識其形者乃知其移來今怪山下見有東武里蓋記山所自來以爲名也又交州脆州山移至青州凡山徙皆不極之異也此二事未詳其世尚書金縢曰山徙者人君不用道士賢者不興或祿去公室賞罰不由君私門成羣不救當爲易世變號說曰善言天者必質於人善言人者必本於天故天有四時日月相推寒暑迭代其轉運也和而爲雨怒而爲風散而爲露亂而爲霧凝而爲霜雪立而爲蜺蜺此天之常數也人有四肢五臟一

覺一寐呼吸吐納精氣往來流而爲榮衛影而爲氣召發而爲聲音此亦人之常數也若四時失運寒暑乖違則五緯盈縮星辰錯行日月薄蝕彗孛流飛此天地之危診也寒暑不時此天地之蒸否也石立土踊此天地之癰贅也山崩地陷此天地之癰疽也衝風暴雨此天地之奔氣也雨澤不降川瀆涸竭此天地之焦枯也

山異部藝文

陽山

後漢黃憲

陽山崩楚王問於左右曰晉人有言於楚國風夜憂惴惴微君不復徐淵因而死周岑乞食於楚市乘浮於湘江不知其所矣是以海內賢士皆棄楚而賓鄰國無以南扞寡人奈何今陽山告崩楚國無所鎮是寡人之禍彰矣無亦詭於晉者或不得求與抑王室之故也左右對曰君以晉憂而日夜求微君用心疑之是君之勞過矣夫微君游諸侯諸侯皆信之而楚獨疑使楚國不能爲盟主以光耀王室陽山之崩不其疑乎楚王長息而言曰寡人將修好於晉而聘微君則楚之禍庶乎爾衆爲寡人畫之左右對曰鄰國之好可以修也若微君之聘夫奚就乎死其弟子而困其師露其詭計而飾其聘不可爲也楚王遂修好於晉晉人殺楚使懸其首於關門之木楚王聞晉人無禮於楚謀諸左右曰舅鄰不睦賊我使臣何以報之左右稽顙而謝曰覺其分矣又何報焉願君毋忘讎於晉也楚王怒寵姬陽華諫曰不可妾聞之寤口

之言若羹寤心之言若冰今左右之諫雖不甘君之口其亦寒心哉夫寤口者求譽而養禍寤心者忍恥而奮功是以明君樂聞寤心之言而去甘口之士故功施昭明而今聞廣譽也君若誅左右而擁其心無乃嗜甘之疾乎楚之使晉人戮之罪也君誠怒矣君獨不思晉之使猶楚也不告於天皇而私戮之亦與晉均也而君則欲晉之不怒何君之遠恕耶楚王慙而釋之遂田於四望明年楚王飲毒而卒

爲涇州李使君賀慶山表

唐崔融

臣某等言某日奉某月詔書新豐縣有慶山出曲赦縣因徙改新豐爲慶山縣賜天下補三日凡在舍生孰不慶幸中賀微臣詳窺海記博訪山經方丈蓬萊人跡所罕到增城元圃道家之妄說伏惟皇太后陛下應天順人正位凝命中外咸一陰陽以和嘉禾四方而平春露草三旬而候月冲恩浹洽嘉貺駢闐富雍州之福地在漢都之新邑聖渚潛開神峰歛見政平而湧自蕩於雲日德茂而生非乘於風雨游龍蜿蜒疑呈八卦之圖鳴鳳咆咆似發五音之奏仙蠶曳繭美稼抽芒一人有合於天心百姓不知其帝力方驗鎮星垂象山萌輔地之徵太歲加年水兆載坤之應天人交際影響合符雷雨既作喜氣冲於三象鍾石以陳歡心動於萬物臣幸忝帶濫守藩隅不獲馳蒼闕而拜手望紫庭而繼足殊祥踵至寶箓無疆厚賚旁霑羣生幸甚不任悚踊之至謹遺某官奉表以聞

山異部紀事

左傳僖公十四年秋八月辛卯沙鹿崩晉卜偃曰期年將有大咎幾亡國

物類相感志漢武帝時未央宮殿前鐘無故自鳴三日三夜君問東方朔朔曰銅者土之子以類言之母感而相應山恐有崩者故鐘先鳴二日南郡太守上言山崩帝大笑之

水經注汶水又西逕危山南世謂之龍山也漢書五行志曰哀帝時無鹽危山土自起覆草如馳道狀又瓠山石轉立晉灼曰漢注作報山山脇石一丈轉側起立高九尺六寸旁行一丈高四尺東平王雲及后謁自之石所祭治石象報山立石束倍草并祠之建平三年息夫躬告之王自殺后謁棄市國除漢書石立宣帝起之象也

異苑魏時殿前大鐘無故大鳴人皆異之以問張華華曰此蜀郡銅山崩故鐘鳴應之耳尋蜀郡上其事果如華言

前趙錄劉曜光初四年夏五月終南山崩長安人劉終於崩所得白玉方一尺有文字曰皇亡皇亡敗趙昌井水竭構五梁粵西小哀困羈喪嗚呼嗚呼赤牛奮軛其盡乎時羣臣咸賀以爲勒滅之徵曜大悅齋七日而後受之於太廟大赦境內以終爲奉瑞大夫中書監劉均進曰臣聞國主山川故山崩川竭國君爲之不舉終南京師之鎮國之所瞻無故而崩其凶焉可極言昔三代之季其災也如是今朝臣皆言祥瑞臣獨言非誠上忤聖旨下違衆議然臣不達大理竊所未同何則玉之於山石也猶君之於臣下山崩

石壤象國傾人亂此其誠悟蒸蒸欲陛下勤修德化以禳之耳曜慨然改容

三水小牘汝州魯山縣西六十里小山間有祠曰女靈觀其像獨一女子焉低鬟嚙螻治而有怨慕之色祠堂後平地怪石圍數畝上擢三峰皆十餘丈森然肖泰華也詢之老人云大初中斯地忽暴風驟雨襄丘陵震屋瓦一夕而止遂有茲山其神見形於樵蘇者曰吾商於之女也帝命有此百里之境可告鄉里爲吾立祠於山前山亦吾所持來者無曠時祭當福汝鄉人遂建祠官書祀典

夢溪筆談

登州巨嶧山下臨大海其山有時震動山之大石皆頽入海中如此已五十餘年土人皆以爲常莫知所謂

宋史呂大防

傳大防知華州華嶽摧自山屬渭河被害者衆大防奏疏援經質史以驗時事其略曰畏天之威于時保之先王所以興也我生不有命在天後主所以壞也書云惟先格王正厥事願仰承天威俯酌時變爲社稷至計

老學庵筆記熙寧癸丑華山阜頭峰崩峰下一嶺一谷居民甚衆皆晏然不聞乃越四十里外平川土石雜下如簸揚七社民家壓死者幾萬人壞田七八千頃固可異矣紹興間嚴州大水壽昌縣有一小山高八九丈隨水漂至五里外而兩旁草木廬舍比水退皆不壞則此山殆空行過也

續夷堅志宣和末華山下石子岡地震之後東西易位摧壓十八村土人謂神物所移爲立移山祠蘭泉張吉甫賦弔之明昌四年秋渭南之間一日晨起居

人忽聞數千人呼聲望之有雲如大幃幕蔽空而過少頃開霽並山南原已移爲北原矣孫通祥爲文記之近天興癸巳麥秋後恆山公治軍鄧之五朶山置倉聖朶岩以受軍租臨大屋已置二萬餘斛矣有日寅卯間人見西北有黑雲低空而過聲勢甚惡迤漸墮澗上倉屋隨亦崩潰雲起而雨雨後人奔視之元是大石片方廣數畝自天而下橫兩澗之間麥倉崩乃無一麥可尋又一異也

名山藏燕王還北平傳檄天下曰太孫卽位十月山崩水溢占書曰山崩水溢者五行失序也此公輔之象賢人退小人進則山崩山無故自崩國易政人主失位民流散也

明外史憲宗貴妃萬氏傳梁芳等懼他日太子立將治己罪說貴妃勸帝易太子而立興王貴妃然之因要帝易儲會泰山震羣臣奏應在東宮帝心懼事乃寢

馬文升傳文升鈞州人正德五年六月卒年八十五卒前數日州西大劉山忽崩

明狀元事略茅瑨嘗讀書寶覺寺借山巔舊屋居之始至之夜雷雨大作崖崩數十丈獨所居儼然無恙

山異部雜錄

淮南子覽冥訓曉山崩而薄落之水澗區冶生而淳釣之劍成

焦氏易林屯之蒙山崩合絕大福畫竭涇渭失紀王曆盡已

元包經傳剝戶氏於陵戶音業氏音支也於陵山崩於地也

堯泉小品威感也山無澤則必崩澤感而山不應則將怒而爲洪

物類相感志白馬開山圖云鄭地白馬山上有白馬羣行悲鳴馳走則山崩嘗結隊羣行飲食或將白駒

夜半悲鳴晝日羣走若人驚逐出則山崩太平清話京房易傳云山自上下者爲崩